

Lentswe La Modimo Le Tlile Ho Moporofeta
William Marrion Branham

"Nka Pene Ya Haa O Ngole"

Bosiung bo bong ha ke ntse ke batla Morena, Moya o Halalelang wa mpolella ho nka pene ya ka le ho ngola. Yare ha ke phamola pene ho ngola, Moya wa Hae wa mpha molaetsa bakeng sa kereke. Ke batla ho o tlisetsa wona. O bua ka Lentswe le monyaduwa.

Ke sena seo ke lekang ho le bolella sona. Molao wa boikatiso ke hore ntho ka nngwe e hlahise ya mofuta wa yona, ekasitana le ho ya ka Genese 1:11, "Modimo wa re: Lefatshe le hlahise jwang, le dimela tse beang peo, le difate tse beang ditholwana ka mefuta ya tsona, tse nang le peo ya tsona lefatsheng. Mme ha eba jwalo." Mofuta ofe le ofe feela wa bophelo o neng o le peong o tlile ka hara semela mme ho tloha moo ka hara tholwana. Molao wona oo o sebetsa kerekeng kajeno. Peo efe kapa efe e qadileng kereke e tla hlahi homme e tshwane le peo ya ho qala hobane ke peo e tshwanang. Matsatsing ana a morao Monyaduwa wa sebele wa Kereke (peo ya Kreste) o tla fihlella boemo ba Lejwe la Sehlooho, mme e tla ba kereke e matlahadi, moloko o moholohadi, ha a ntse a Mo atamela. Bao ba monyaduweng ba tla tshwana le Yena hakaalo hoo ba tlang ho ba setshwantshong sona sa Hae. Hona ke hore ba tle ba kopanngwe le Yena. Ba tla ba bang. Ba tla fetoha yona ponahatso ya Lentswe le phelang la Modimo. Mekgatlo ya dikereke e ke ke ke ya kgona ho hlahisa sena (peo e fosahetseng). Ba tla hlahisa melao ya bona le dithuto tsa bona, tse tswakilweng le Lentswe. Hlkantsutsu ena e bea sehlahiswa se kopa-kopantsweng.

Mora wa pele (Adama) e ne e le peo ya dipolelo ya Lentswe la Modimo. O ile a fuwa monyaduwa ho ka ikatisa. Ke ka baka leo monyaduwa a tlisitsweng ho yena, hore a ikatise; ho hlahisa mora e mong wa Modimo. Empa a wa. A diuwa ke ho tswakatswakanya. A baka hore a we.

Mora wa bobedi (Jesu), le yena Peo ya dipolelo ya Lentswe la Modimo a newa monyaduwa jwaloka ha ho etsahetse ka Adama. Empa le pele A ka mo nyala, keha le yena a se a wele. Le yena, ho tshwana le mosadi wa Adama, o ile a bewa tekong ya hore na o tla dumela Lentswe la Modimo a phele, kapa ho belaela Lentswe a shwe. O ile a belaela. A tlohelala Lentswe. A shwa.

Ho hlaha sehlotswaneng sa peo ya sebele ya Lentswe, Modimo o tla hlahietsa Kreste monyaduwa ya ratehang. Ke morwetsana wa Lentswe la Hae. Ke morwetsana hobane ha a tsebe letho la melao e entsweng ke batho kapa dithuto disele. Ka monyaduwa mmoho le ka maloko a hae ho tla phethahatswa hohle ho tshepisitsweng ke Modimo ho bonahatswa ka hara morwetsana.

Lentswe la pallo le tlide ho morwetsana Maria. Empa Lentswe leo la pallo e ne e le Yena, ka Sebele, ho ka bonahatswa. Modimo o ile a bonahatswa. Yena, ka Sebele, o ile a sebetsa nakong eo mme a tlatsa Lentswe la Hae la pallo ka hara morwetsana. E bile lengeloi le mo tliseditseng molaetsa. Empa molaetsa wa lengeloi e ne e le Lentswe la Modimo. Esaia 9:6. Nakong eo O ile a phetha hohle ho neng ho ngodilwe ka Yena hobane o ile a inkela Lentswe la Hae.

Maloko a monyaduwa wa morwetsana a tla Mo rata, mme a tla ba le ditlhoko tsa Hae, hobane Yena ke hloho ya bona, mme matla wohle ke a Hae. Ba ikokobeletsa Yena jwaloka ha ditho tsa mebele ya rona di le tlasa taolo ya hloho tsa rona.

Lemoha kutlwano ya Ntate le Mora. Jesu o ne a sa etse letho pele A le bontshitswe ke Ntate. Johanne 5:19. Kutlwano ena jwale e tla ba teng pakeng tsa Monyadi mmoho le monyaduwa wa Hae. O mmontsha Lentswe la Hae la bophelo. O a le amohela. Le ka mohla ha a le belaele. Kahoo, ha ho letho le ka mo lematsang, esita le lefu. Hobane haeba peo e lengwa, metsi a tla e tsosa hape. Sephiri sa hona ke sena. Lentswe le ka hara monyaduwa (jwaloka ha le ne le le ka hara Maria.) Monyaduwa o ruile mohopolo wa Kreste hoba o tseba seo A batlang hore se etswe ka Lentswe. O phetha taelo ya

Lentswe ka lebitso la Hae hobane o na le "ho rialo Morena." Ebe Lentswe le phediswa ke Moya homme le a phethahala. Jwaloka peo e lengwang le ho nosetswa, e fihlella kotulo e tletseng, e sebetsa seo e se baletsweng.

Bao ba monyaduweng ba etsa feela thato ya Hae. Ha ho motho ya ka etsang hore ba etse ho hong hosele. Ba na le "ho rialo Morena" kapa ba kgutsa. Ba tseba hore e tlamehile hoba Modimo ka hara bona ya etsang mesebetsi, a tlatsa Lentswe la Wona ka sebele. Ha' ka a qeta mosebetsi wohle wa Hae ha a ne a le tshebetsong ya Hae lefatsheng kahoo jwale O sebetsa ka hara monyaduwa homme le ka yena. O tseba seo, hobane e ne e eso ka e eba nako ya Hae ho etsa dintho tse itseng tseo A tshwanetseng ho di etsa jwale. Empa ka monyaduwa O tla phetha jwale mosebetsi oo A o sietseng nako ena e baletsweng.

Jwale a re emeng jwaloka Joshua le Kalebe. Lefatshe la rona la pallo le se le bonahala esita jwaloka la bona. Jwale Joshua e bolela "Jehova-Mopholosi," mme o tshwantsha moetapele wa mehla ya morao ya tlang ho etela kereke ekasitana le jwaloka Pauluse ya ttileng e le moetapele wa ho qala. Kalebe o tshwantsha bao ba ileng ba ema ka botshepehi le Joshua. Hopola, Modimo o ne a ile a qala Iseraele e le morwetsana ka Lentswe la Wona. Empa ba batlile se seng se hosele. Le hona kereke ya letsatsi la morao e entse jwalo. Elellwa kamoo Modimo o sa kang wa tsamaisa Iseraele, leha e le ho mo dumella ho kena lefatsheng la pallo ho fihlela e eba nako ya Hae e baletsweng. Jwale ho ka etsahala hore ebe batho ba ile ba imetsa Joshua, moetapele, mme ba re, "Lefatshe ke la rona, a re yeng ho le hapa. Joshua, o a hlahlathela, ho tlamehile hore o bo o lahlehetswe ke thomo ya hao, ha o sa ruile matla ao o nnileng wa ba le wona. O ne o ye o mamele ho tswa ho Modimo homme o tsebe thato ya Modimo, mme o nke kgato ka potlako. Ho na le ho phoso ka wena." Empa Joshua e ne e le moporofeta ya romilweng ke Modimo mme o ne a tseba dipallo tsa Modimo, kahoo a di lebella. A emela qeto e phethahetseng ho hlaho ho Modimo mme yare ha nako ya ho tloha e fihlile, Modimo wa Bea boetapele bo tletseng matsohong a Joshua

hobane o ile a ema le Lentswe. Modimo o ne o ka tshepa Joshua empa e seng ba bang. Le hona ho tla ba jwalo hape letsatsing lena la qetelo. Bothata bona bo tshwanang, dikgatello tse tshwanang.

Nka mohlala oo re o bonang ka Moshe. Moporofeta enwa wa senatla ya tlotsitsweng ke Modimo o bile le tswalo e mohlolo, ka ho tswalwa ka nako e loketseng bakeng sa topollo ya peo ya Abrahama ho tswa Egepeta. Ha a ka a hlola Egepeta ho tsekisana Mangolo le bona, leha e le ho pheha kgang le baptista. O ile a ya lefelleng ho fihlela batho ba itokiseditse ho mo amohela. Modimo o ile wa bitsetsa Moshe lefelleng. Ho lebella ho ne ho se ka lehlakoreng la Moshe empa ka baka la batho ba neng ba sa itokisetsa ho mo amohela. Moshe o ile a nahana hore batho ba tla utlwisia empa ha ba ka ba etsa jwalo.

Hape ho be le Elia eo Lentswe la Morena le ttileng ho yena. Yare hoba a qete ho porofeta nnete mme sehlopha seo morao moo seo e leng moetelliipele wa sehlopha sa Jesebele wa Amerika ha se a ka sa batla ho amohela Lentswe, Modimo o ile wa mo tlosa tshimong mme wa otla moloko oo ka dikotsi bakeng sa ho latola moporofeta mmoho le molaetsa oo Modimo a o rometseng. Modimo wa mmitsetsa lefelleng mme a hana ho tswa esita le ho morena. Ba ileng ba leka ho mo qobella ho etsa jwalo, ba timela. Empa Modimo wa bua ka pono le moporofeta wa Hae ya tshephahalang. A tswa moo a neng a ipatile mme a tlisa hape Lentswe Israaeleng.

Yaba ho tla Johanne Mokolobetsi, moetelliipele ya tshephahalang wa Kreste, moporofeta wa senatla tsatsing la hae. Ha a ka a ya mophatong wa ntatae, kapa mophatong wa Bafarisi — ha a ka a ya mokgatleng ofe kapa ofe feela wa bodumedi, empa ntle lefelleng a bitseditswa teng ke Modimo. Moo a dula ho fihlela Morena a mo romile ka molaetsa, a howa, “Messia o atametse.”

Jwale a re ke re amoheleng temoso ya Mangolo mona. Ebe na ha se matsatsing a Moshe eo Modimo o ileng wa mo netefatsa moo Kore a ileng a hlaha le ho ema kgahlanong le moporofeta eo wa senatla? O ile a hanyetsana le Moshe mme a ipolela ha le yena a ruile ho hokaalo ho tswa ho Modimo ho etella batho le hore ba bang

le bona ba na le kabelo tshenolong e Kgethehileng jwaloka Moshe. A latola boholo ba Moshe. Jwale batho morao kwana, hoba ba utlwe Lentswe la nnete mme ba tlwaele hantle nnete ya hore moporofeta wa sebele o ne a netefatswa ke Modimo, ke re batho bao ba ile ba kgomarela Kore mmoho le dikganyetsa hae. Kore e ne e se moporofeta ya itshetlehileng Mangolong empa batho ba palo e kgolo mmoho le baetapele ba bona ba nkeha ke yena. Ho tshwana hakakaang le baevangedi kajeno mmoho le mananeo a bona a namane ya gauta jwaloka a Kore. Ba shebahala hantle bathong jwaloka ha Kore a ne a shebahala nakong eo. Ba na le madi diphatleng tsa bona, oli matsohong a bona le didikadikwe tsa mollo sethaleng. Ba dumella bareri ba basadi, ba dumella basadi ho kuta meriri ya bona, ho tena marikgwe a malelele le marikgwe a makgutshwane, homme ba kgelohe Lentswe la Modimo bakeng sa dithuto tsa mafeela le melawana ya bohata. Hoo ho bontsha hore mofuta wa peo o ka hara bona ke ofe. Empa ha se batho bohole ba ileng ba furalla Moshe le ho tlohela Lentswe la Modimo. Tjhe. Bakgethwa ba ile ba ema le yena. Ho etsahala jwalo le kajeno hape. Bongata bo tlohela Lentswe empa ba bang ba ema le lona. Hopola setshwantsho sa koro le mofoka. Lehola le tlamehile ho tlangwa bakeng sa ho tjeswa. Dikereke tsena tsa bokwenehi di ntse di bokeletswa mmoho hanyane ka hanyane, di loketse mello ya kahlolo ya Modimo. Empa koro e tla bokeletswa ho Morena.

Jwale ke batla hore o be hlokolosi haholo mona mme o bone sena. Modimo o tshepisitse hore nakong ya qetelo Malakia 4 o tla phethahatswa. Ho loketse jwalo hobane ke Lentswe la Modimo le phedisitsweng ke Moya le builweng ke moporofeta Malakia. Jesu o buile ka lona. Ke pejana feela ho ho tla ha Kreste kgetlo la bobedi. Nakong eo Jesu a tlang Mangolo wohle a tlamehile ho phethwa. Nako ya Baditjhaba e tla ba mongwaheng wa phutheho ya yona ya ho qetela ha lenqosa leo la Malakia le etla. O tla tsepama hantle Lentsweng. O tla nka Bibele yohle ho tloha ho Genese ho ya ho Tshenolo. O tla simolla ka peo ya noha mme a tswelle ho ya fihla lenqoseng la dipula tsa hwetla. Empa o tla latolwa ke mekgatlo ya dikereke.

Ho loketse jwalo ka yena hobane hoo ke ho ipheta-pheta ha histori ho tloha nakong ya Akabe. Pale ya Israele tlastra Akabe e phethahala hantle mona Amerika moo moporofeta wa Malakia a hlahang. Jwaloka ha Israele e tlohile Egepete ho ya rapela ka bolokolohi, ba sutuletsa batala ntle, ba hlahisa setjhaba se bileng le baetapele ba baholo ho tshwana le Davida jj., mme yaba ba Bea Akabe teroneng le Jesebele ka mora hae ho mo laola, ka mokgwa o tshwanang re entse ho tshwanang Amerika. Baholo-holo ba rona ba ile ba tla lefatsheng lena ho tla rapela le ho phela ka bolokolohi. Ba ile ba ntshetsa batala ntle mme ba hapa lefatshe. Banna ba dinatla jwaloka Washington le Lincoln ba ile ba hlaha empa kamora nakwana banna ba bang ba boleng bo fokolang hakaalo ba hlahlama banna bana ba dinatla hoo kapele-pele Akabe a ileng a hlwelliswa setulong sa botonakgona ka Jesebele ka mora hae ho mo laela. Ke nakong e jwaloka ena moo lenqosa la Malakia le loketseng ho hlaha. Ebe nakong ya dipula tsa morao ho tla makgaolakgang a Thaba ya Karmeles. Tadima sena ka tlhokomelo jwale ho ka se bona ka Lentsweng. Johanne e ne e le moetellipele wa Malakia 3. O ile a jalla dipula tsa selemo mme a latolwa ke mekgatlo ya tsatsi la hae. Jesu o ile a tla homme a ba le makgaolakgang a Thaba ya Ponahalo-e-Kganyang. Moetellipele wa bobedi wa Kreste o tla jalla dipula tsa hwetla. Jesu e tla ba makgaolakgang pakeng tsa mekgatlo le dithuto tsa mafeela, hobane O tla kgutla ho tla tshehetsha Lentswe la Hae le ho nka monyaduwa wa Hae tlhwibilong. Makgaolakgang a pele e bile Thaba ya Karmeles; a bobedi ya eba Thaba ya Ponahalo-e-Kganyang; mme a boraro e tla ba Thaba Sione.

Boitshwaro bo makatsang ba Moshe, Elia le Johanne ka ho ikgula bathong ho ya boinotshing bo ile ba siya bongata bo ferekane. Ha ba ka ba lemoha hore e bile hoba melaetsa ya bona e nyediswe. Empa peo e ne e jetswe, ho jala ho ne ho se ho fetile. Kahlolo e ne e tla latela. Ba ne ba sebeditse mosebetsi wa bona jwaloka pontsho bathong, kahoo e ne e tla latela.

Ke dumela hore ho latela Tshenolo 13:16 monyaduwa o tla lokela ho emisa ka ho rera hobane sebata se hloka letshwao letsohong kapa phatleng pele tumello ya ho rera e ntshwa. Mekgatlo ya

dikereke e tla nka letshwao, kapa ho qobellwa ho emisa ka ho rera. Jwale ebe Konyana e tla tlela monyaduwa wa Yona le ho ahlola seotswa se seholo.

Jwale hopola hore Moshe o tswaletswe mosebetsi o ikgethileng, empa o ne a ke ke a kgona ho etsa mosebetsi oo pele a amohetse dineo tse neng di tla baka hore a phethe mosebetsi oo. O ne a loketse ho tswela ntle lehwatateng le ho leta moo; Modimo o ne o ena le nako e ikgethileng. Ho ne ho tshwanetse ho ba le Faro ya itseng teroneng, mme setjhaba se ne se tlamehile hore ebe se llela bohobe ba bophelo, pele Modimo o ka mo kgutlisa. Ho jwalo tsatsing la rona.

Empa ke eng seo re nang le sona tsatsing lee la rona? Bongata bo sebetsa mehlolo tjena ho fihlela re bile le moloko o thoothellang mehlolo o tsebang hanyenyane kapa le letho ka Lentswe, kapa kgato ya nneta ya Moya wa Modimo. Ha ba ka bona madi, oli le mollo ba thabile; ha ho natse hore na ka Lentsweng ke eng. Ba ka tshehetsta pontsho e nngwe le e nngwe, esita le tse sa dumellaneng le mangolo. Empa Modimo o re lemositse bakeng sa hoo. O boletse ho Mattheu 24 hore matsatsing a morao meya e mmedi ena e tla bapa ka mokgwa wona mmoho hoo bakgethwa ba sebele e tl Lang ho ba bona feela ba ka e arolang, hoba ke bona feela ba ke keng ba thetswa.

O ka arola meya ee jwang? E bee feela tekong ya Lentswe. Ha e sa bolele Lentswe leo, ke ya e mobe. Jwaloka ha e mobe a thetsitse manyaduwa ba babedi ba pele, o tla leka ho thetsa monyaduwa wa tsatsi lena la morao, ka ho leka ho mo fumana hore a itswaka-tswakanye ka dithuto tsa mafeela-felane, kapa feela habonolo ho furalla Lentswe ho latela pontsho efe le efe feela e mo kgahlisang. Empa Modimo ha o eso ka o etelletsa mehlolo ka pele ho Lentswe. Mehlolo e latela Lentswe, jwaloka nakong eo Elia a neng a laela mosadi ho mo lokisetra senkgwa pele, ho ya ka Lentswe la Morena. Hoba a phethe kamoo Lentswe le boletseng, pontsho e tshwanetseng ya tla. Tloo Lentsweng pele mme jwale o lebelle mohlolo. Peo ya Lentswe e matlafatswa ke Moya.

Ke ka mokgwa ofe moromuwa ofe kapa ofe ya romilweng ho tswa ho Modimo a ka kgonang ho dumela karolwana feela ya Lentswe le ho latola karolo ya lona? Moporofeta wa nnete wa Modimo tsatsing lena la ho qetela o tla phatlola Lentswe lohle. Mekgatlo ya dikereke e tla mo hloya. Mantswe a hae a ka nna a ba thata jwaloka Johanne Mokolobetsi ya ba bitsitseng bomarabe. Empa ba reretsweng pele ba tla utlwa homme ba itokisetse ho hlwibilwa. Peo ya Abrahama ya Borena, ka tumelo e tshwanang le ya Abrahama ba tla kgomarela Lentswe mmoho le yena, hobane bobedi ba reretswe pele.

Lenqosa la tsatsi la morao le tla hlahla nakong e baletsweng ya Modimo. Ke nako ya qetelo jwale jwalokaha bohle ba tseba, hobane Iseraele e lehaeng. Nakong efe kapa efe a ka hlahla jwale ho latela Malakia. Nakong eo re mmonang, o tla be a ineetse Lentsweng. O tla bontshwa (o tla suptjwa Lentsweng, Tshenolo 10:7) mme Modimo o tla netefatsa theroy a hae. O tla rera nnete jwaloka Elia homme a itokisetse makgaolakgang a Thaba Sione.

Bongata bo tla mo utlwisia ka phoso hobane ba rutilwe Mangolo ka tsela e itseng eo ba hlomang eka ke nnete. Ha a ema kgahlano le seo, ba ke ke ba dumela. Esita le bareri ba bang ba nnete ba ke se utlwisise lenqosa hoba dintho tse ngata hakaalo di nnile tsa rewannete ya Modimo ke bakgelosi.

Empa moporofeta enwa o tla tla, mme jwalokaha moetellipele wa ho hlahla kgetlo la pele a ile a hlaba mokgosi, "Bonang Konyana ya Modimo e tlosang dibe tsa lefatshe," ntle le pelaelo ka mokgwa o tshwanang o tla hlaba mokgosi, "Bonang Konyana ya Modimo e etla ka kganya." O tla etsa hona, hobane jwalokaha Johanne e bile lenqosa la nnete ho bakgethwa, ka mokgwa o tshwanang le enwa ke lenqosa la ho qetela ho bakgethwa le monyaduwa ya tswetsweng ke Lentswe.

(Ho tswa ho: *Mengwaha Ya Diphutheho Tse Supileng.*)

Voice Of God Recordings, South Africa Office

P.O. Box 178, Somerset West, 7129 Cape Province, Republic Of South Africa

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org